

唐
音
統
籤

丁籤十八李端之二

唐音統籤卷二百五十一

五言律詩一

關山月

露濕月蒼蒼關頭榆葉黃
迴輪照海遠分彩上樓
長水凍頻移幕兵疲數望鄉
祇應城影外萬里共胡霜

度關山

鴈塞日初晴孤關雪復平
危樓

一作

緣廣漠古

傍長城拂劍金星出彎弧玉羽鳴
誰知係虜者賈誼是書生

巫山高和皇甫拾遺

紀事云：翼路有飛泉亭，詩板百餘篇，蘇能嘗過。

此悉去諸板，唯留端此篇。

巫山十二峰

一作重

皆在碧虛中，迴合雲藏日。霏微

雨帶風猿聲，寒度水

一作過

樹色暮連空。愁向高唐

望，清秋見楚宮。

雨雪曲

天山一丈雪，雜雨夜霏霏。濕馬胡歌亂，經烽漢火微。丁零蘇武仕，疎勒范羗歸。若着關頭下，長榆葉定稀。

春遊樂

柝彈連錢馬銀鈎倭僮鬟摘桑春陌上踏草夕陽
間意合辭先露心誠貌却閑明朝若相憶雲雨出
巫山

早春夜望

舊雪逐泥沙新雷發草芽曉霜應傍鬢夜雨莫催
花行矣前途晚歸與故國賒不勞報春盡從此惜
年華

宴伊東岸

晴洲無遠近一樹一潭春芳草留歸騎朱櫻擲舞
人空花對酒落小翠隔林新竟日皆攜手何由遇

此辰

雨後遊輞川

驟雨歸山盡，頽陽入輞川。
看虹登晚墅，踏石過春泉。
紫萼藏仙井，黃花出野田。
自知無路去，迴步就人煙。

雲際中峰居喜見苗發

一作祖
詠

自得中峰住，深林亦閉關。
經秋無客到，入夜有僧還。
暗澗泉聲小，荒村樹影閑。
高窗下可望，星月滿空山。

宿興善寺後池

草堂高樹下月向後池生野客同一作如僧靜新荷
共水平錦鱗沉不食繡羽亂相鳴卽事思江海誰
能萬里行

晚次巴陵

雪後柳條新巴陵城下人烹魚邀水客載酒奠山

一作江

神雲去低

一作歸

斑竹波迴

一作風來

動白蘋不堪

逢楚老日暮正江春

曉發瓜洲

曉發悲行客停橈獨木前寒江半有月野戍漸無
煙棹唱臨高岸鴻嘶發遠田誰知避徒御對酒一

惘然

宿洞庭

白水連天暮洪波帶日流
風高雲夢夕月滿洞庭秋
沙上漁人火煙中賈客舟
西園與南浦萬里共悠悠

過宋州

睢陽陷虜日外絕救兵來
世亂忠臣死時清明主
哀荒郊春草遍故壘野
花開欲爲將軍哭東流水
不迴

邊頭作

郊郊泉脉動落日土城樓羊馬水草足羌胡帳幕
稠射鵬過海岸傳箭怯邈州何事歸朝將今年又
拜侯

宿山寺思歸

僧房秋雨歇愁臥夜更深欹枕聞鴻鴈迴燈見竹
林歸螢入草盡落月映窓沉拭淚無人覺長謠向
壁陰

江上賽神

疎鼓應繁絲送神歸九疑蒼龍隨赤鳳帝子上天
時驟雨歸山疾長江下口遲獨憐遊宦子今夜泊

天涯

山中期吉中孚

行人路不同花落到山中
水暗蒹葭霧月明楊柳
風年華驚已擲志業颯然空
何必龍鍾後方期事
遠公

山中期張芬不至

石古一作堤春草碧雙燕向西飛
悵望雲天暮佳人
何處歸藥欄蟲網遍苦井水痕稀
誰道嵇康嬾山
中自掩扉

慈恩寺曉上人房招耿拾遺

悠然對惠遠共結故山期汲井樹陰下閉門亭午
時地開花落厚石淺水流遲願與神仙客同來事
本師

與鄭錫遊春

東門垂柳長翹首獨心傷日暖臨芳草天晴憶故
鄉映花鶯上下過水蝶飛揚借問同行客今朝淚
幾行

茂陵山行陪金部韋員外

一作韋
詠誤

宿雨朝來歇空山天氣清盤雲雙鶴下隔水一蟬
鳴古道黃花落平蕪赤燒生茂陵雖有病猶得伴

君行

茂陵村行贈何兆

春天黃鳥轉野迳白雲閑解帶依芳草支頤想故
山人行九州路樹老五陵間誰道臨邛遠相如自
憶還

同苗發慈恩寺避暑

追涼尋竇利畏日望璇題臥草同鴛侶臨池似虎
溪樹閑人跡外山晚鳥行西若問無心法蓮花隔
淤泥

同苗員外宿薦福寺

安仁秋興動涼夜宿僧房倚杖雲離月垂簾竹有
霜迴風吹一作生遠逕墮葉飄長廊一與交親會空
貽別後傷

早春夜集耿拾遺宅

如何逋客會忽在侍臣家新草猶停雪寒梅未著
花銜盃雞欲唱逗月鴈應斜年齒俱顛顚誰堪故
國賒

冬夜集張尹後園

垂龜兼戴豸白面映朱衣安石還頻起泉明不得
歸鷹門常吏在登席舊寮稀遠客長先醉那知亞

相威

夜宴號縣張明府宅逢宇文評事

號田留古宅入夜足秋風月影來牕裏燈光落水
中徵詩逢謝客飲酒得陶公更愛疎籬下繁霜濕
菊叢

題崔端公園林

上士愛清輝開門向翠微抱琴看鶴去枕石待雲
歸野坐苔生席高眠竹挂衣舊山東望遠惆悵暮
花飛

題鄭少府林園

謝家今日暖詞客願抽毫
歷馬方迴影池鷺正理
毛竹筒傳水遠塵尾坐
僧高獨有雷宗賤過君
着弊袍

題從叔沆林園

阮宅閑園暮牕中見樹陰
樵歌依遠草僧語過長
林鳥上花間井人彈竹
裏琴自嫌身未老已有佳
山心

同皇甫侍御題惟一上人房

焚香居一室盡日見空林
得道輕年暮安禪愛夜
深東西皆是夢存沒豈關
心唯美諸童子持經在

竹陰

早春會王達主人

得達字

今年華鬢色半在故人中欲寫無窮恨先期一醉
同綠叢猶覆雪紅萼已凋風莫負歸山梨君看陌
上蓬

逢王泌自東京至

逢君自鄉至雪涕問田園幾處生喬木誰家在舊
村山峯橫二室水色映千門愁見游從處如今花
正繁

岳陽逢司空文明得關中書

共有數年故相逢萬里餘新春兩行淚舊國一封書
夏口帆初泊潯陽鴈正踈唯應執杯酒暫食漢江魚

江上喜逢司空文明

秦人江上見握手淚沾巾落日見秋草暮年逢故人
非長作客多病淺謀身臺閣舊親友誰曾見苦辛

喜皇甫郎中拜諭德兼集賢學士

爲郎三載後龍命一朝新聖苑遷詞客儒林拜丈人
鶯飛綺閣曙柳拂畫堂春幾日調金鼎諸君歡

望塵

奉和元丞侍從遊南城別業

垂朱領袖千健翼在地塘獻壽回龜顧和羹躍鯉
香高松先草晚平石助泉涼餘橋期相及門生有
陸郎

訓秘書元丞郊園臥疾見寄

聞說漳濱臥題詩絕塵華求醫主高手執疾到貧
家徹枕銷行蟻移杯失盡蛇明朝九衢上應見玉
人車

酬晉侍御見寄

野客蒙詩贈殊恩欲報難本求文舉識不在子真
官細雨雙林暮重陽九日寒貧齋一叢菊願與上
賓看

酬前大理評事張芬

君家舊林壑寄在亂峰西近日春雲滿相思路亦
迷聞鐘投野寺待月過前溪悵望成幽夢依依識
故蹊

旅舍對雪贈考功王員外

楊花驚滿路麴市忽在風驟下搖蘭葉輕飛集竹
叢欲將瓊樹比不共玉人同獨望微之棹青山在

雪中

書志贈暢當

并序

余少尚神仙且未能去友人暢當以禪門見導余心知其是而未得其門因寄詩以希焉

少喜神仙術年來已蹉跎壯志一爲累浮生事漸多
衰顏不相識歲暮定相過請問宗居士君其柰老何

聞吉中孚還俗因而有此贈

聞道華陽客儒衣謁紫微舊山連藥賣孤鶴帶雲歸
柳市名猶在桃源夢已稀還家見鷗鳥應媿背船飛

贈故將軍

平生任邊日鞍馬若星流獨出關千里相知滿九州
恃功凌主將作氣見王侯誰道廉頗老猶能報遠讎

贈趙神童

聖朝殊漢令才子少登科每見先鳴早常驚後進
多獨居方寂寞相對覺蹉跎不是通家舊頻勞文舉過

贈李龜年

青春事漢主白首入秦城過識才人字多知舊曲

名風流隨故事語笑令新聲獨有垂楊樹偏傷日暮情

宿雲際寺贈深上人

暫別青藍寺今來髮欲斑獨眠孤燭下風雨在前山
壞宅終須去空門不易還支公有方便一願啓玄關

贈衡岳隱禪師

舊住衡州寺隨緣偶北來夜禪山雪下朝汲竹門開
半偈傳初盡羣生意未迴唯當與樵者杖錫入天台

代村中老人荅

京洛風塵後村鄉煙火稀少年曾失所衰暮欲何
依夜靜臨江哭天寒踏雪歸時清應不見言罷淚
盈衣

憶皎然上人

未得從師去人間萬事勞雲門不可見山木已應
高向日開柴戶驚秋問弊袍何由宿峯頂憶裏望
波濤

秋日憶陳上人

從持鉢別更未到人間好靜居貧寺遺名奔近

山雨前經百衲葉下閉重關若使潯陽去須無舊
客還

與蕭遠上人遊少華山寄皇甫侍御

尋危兼採藥渡水又登山獨與高僧去逍遙落日
間漸看間里遠自覺性情開題首知音在因今擬
望還

宿華陽洞寄元稱

一作寄
其稠

花洞晚陰陰仙壇隔杏林漱泉春谷冷構藥夜寒
深石上開仙酌松間對玉琴戴家溪北住雪後去
相尋

宿山寺雪夜寄吉中孚

獨愛僧房竹春來長到池雲遮皆見朗雪壓半低
垂不見侵山葉空聞拂地枝鄙夫今夜興唯有子
猷知

晚秋旅舍寄苗員外

爭途苦不前貧病遂連牽向暮同行客當秋獨長
年晚花唯有菊寒葉已無蟬吏部逢今日還應薨
下眠

宿瓜洲寄柳中庸

懷人同不寐清夜起論文月魄正出海鴈行斜上

雲寒朔來灑灑秋葉下紛紛便送江東去徘徊祇待君

早春雪夜寄盧綸兼呈祕書元丞

聞君隨謝朓春夜宿前川看竹雲垂地尋僧雪滿船
熊寒方入樹魚樂稍離泉獨是羈愁客唯知惜故年

冬夜寄韋弁

一作秋夜寄司空文明

獨坐知霜下開門見木衰壯應隨日去老豈與人期
廢井蟲鳴早陰堦菊發遲興來空憶戴不似剡溪時

歸山居寄錢起

悵望青山下，迴頭淚滿巾。
故鄉多古樹，落日少行人。
髮鬢將回色，簪纓未到身。
誰知武陵路，亦有漢家臣。

晚遊東田寄司空文明

暮來思遠客，獨坐在東田。
片影無妨雨，殘虹不映天。
別愁逢夏果，歸興入秋蟬。
莫作隳官意，陶潛未必賢。

晚夏聞蟬寄廣文

作郎士元詩誤

昨日始聞鶯，今朝蟬又鳴。
朱顏向華髮，定是幾年

月音和詩
程故國白雲遠閑居青草生因垂數行淚書報十
年兄

臥病寄閻察

病中貪好景強步出幽居紫萼垂山徑黃花繞野
渠荒林飛老鶴敗堰過遊魚縱憶同年友無人可
寄書

臥病寄苗員外

故人初未貴相見得淹留一自朝天去因成計日
遊月明應獨醉葉下肯同愁因恨劉楨病空園臥
見秋

寄暢當

麥秀草芊芊幽人好晝眠雲霞生嶺上猿鳥下林
前顏子方敦行支郎久住禪中林輕暫別約略已
經年

寄王密卿

酒樂今年少僧期近日頻買山多爲竹卜宅不緣
貧志業歸初地文章寄此身稽康雖有病猶得見
情人

寄上舍人叔

車馬朝初下看山憶獨尋會知逢水盡且愛入雲

灤殘雨開斜日新蟬發迥林阮咸雖別巷遙識此時心

丁籤十八李端之三

唐音統籤卷

二百五十二

五言律詩二

送銅澤王歸城

昔聞公族出其從亦高車爲善唯求樂分貧必及
疎身承漢枝葉手習魯詩書尚說無功德三年在
石渠

奉送宋中丞使河源

東周遣戍役才子欵離羣部領河源去悠悠龍水
分笳聲悲塞草馬首度關雲辛苦逢炎熱何時及
漢軍

送夏中丞赴寧國任

楚縣入青楓，長江一派通。
板橋尋謝客，古邑事陶公。
片雨收山外，連雲上漢東。
陸機猶滯洛，念子望南鴻。

送耿拾遺潭江外括圖書

驅傳草連天，回風滿樹蟬。
將過夫子宅，前一作別亦驅傳。
孝廉船漢史，收三篋周詩。
採百篇別君，終有淚不
是怨流年。

送郭補闕歸江陽

東門春尚淺，楊柳未成陰。
馬影愁斜日，鶯聲怨故

林隋宮江上遠梁苑雪中深獨有懷歸客難爲
別心

送雍郢州

厭郎思出守遂領漢東軍望月逢殷浩緣江送范
雲城闌煙草遍浦迥雪林分誰伴樓中宿吟詩佐
客聞

送陸郎中歸田司空幕

漢家分列宿東土佐諸侯結束還軍府光輝過御
溝農桑連紫陌分野入青州覆轍恩難報西看成
白頭

都亭驛送郭判官之幽州幕府

幕府參戎事，承明伏奏歸。
都亭使者出，孟酒故人違。
細柳官騎輕，風拂客衣還。
從大夫後，吾黨亦光輝。

送郭參軍赴解州

登車君莫望，故絳柳條春。
蒲澤逢胡鴈，桃源見晉人。
佐軍髯尚短，擲地思還新。
小謝常攜手，因之醉路塵。

送朱校書赴宣州幕

浮舟壓芳草，客齋逐江春。
遠避看書吏，行當入幕人。

宿夜潮衝老樹曉雨破輕蘋鴛鴦多傷別樂家德
在人

送鄭侍御赴洪州

草色隨驄馬悠悠共出秦水傳雲夢曉山接洞庭
春帆影連三峽猿聲在四隣青門一分手難見杜
陵人

送古之奇赴安西幕

疇昔十年兄相逢五校營今宵舉杯酒隴月見軍
城候火經陰絕邊人接曉行殷勤送書記彊虜幾
時平

送成都韋丞還蜀

蜀門雲樹合，高棧有猿愁。
驅傳加新命，之官向舊遊。
晨裝逢酒雨，夜夢見刀州。
遠別長相憶，當年莫滯留。

送從舅成都丞廣南歸蜀

一作盧綸

巴字天邊水，秦人去是歸。
棧長山雨響，溪亂火田稀。
俗富行應樂，官雄祿豈微。
魏舒終有淚，還濕舊家衣。

送王羽林往秦州

秦州貴公子，漢日羽林郎。
事主來中禁，榮親上北

堂輜車花擁路寶劍雪生光直掃三邊靖承恩向
建章

送別駕赴晉陵郎舍人叔之兄

諸宗稱叔父從子亦光輝謝眺中書直王祥別乘
歸江帆衝雨上海樹隔潮微兩阮貧無酒唯將淚
濕衣

送從兄赴洪州別駕兄善琴

援琴兼愛竹遇夜在湘沅鶴舞月將下烏啼霜正
繁亂流喧橘岸飛雪暗荆門佐郡無辭屈其如相
府恩

送竇兵曹

梨花開上苑遊女著羅衣聞道情人怨應須走馬
歸御橋遲日暖官渡早鶯稀莫遺佳期過看看胡
蝶飛

送友人宰湘陰

從宦舟行遠浮湘又入閩蒹葭無朔鴈桎梏有蠻
神傳吏閑調象山精暗訟人唯須千樹橘暫救李
衡貧

送新城戴叔倫

遙想隋堤路春天楚國情一作晴白雲當海斷青草

隔淮生鴈起斜還直潮回遠復平萊蕪不可到
醉送君行

送樂平苗明府

得家字

本是求彭澤誰云道里賒山從石

一作古

壁斷江向

弋陽斜暮色隨楓樹雲陰暗荻花諸侯舊調鼎應
重宰臣家

送雍丘任少府

叢車餞才子路走許東偏遠水同春色繁花勝雪
夫鳥行侵楚邑樹影向殷田莫學生鄉思梅真正
少年

送單少府赴扶風

少年趨盛府顏色比花枝
范丐非童子楊修豈小兒
叨陪丈人行常恐阿戎欺
此去雲霄近看君逸足馳

送王少府遊河南

馬卿方失意東去謁諸侯
過宋人應少遊梁客獨
愁鳥翻千室暮蟬急兩河
秋僕本無媒者因君淚亦流

送黎少府赴陽翟

詩禮稱才子神仙事丈人
玉山那惜醉金谷已無

春白馬如風疾青袍奪草新不嫌鳴吠客願用百
年身

送諸暨裴少府此公先人元相公判官

山公訪嵇紹趙武見韓侯事去思猶在名成淚却
流一官同北去千里赴南州才子清風後無貽相
府憂

送義興元少府

逢君惠連第初命便光輝已得羣公祖終妨太傅
譏路長人反顧草斷驚迴飛本是江南客還同衣
錦歸

送楊少府赴陽翟即舍人之弟

冠帶仁兄棧北輝壽母前陸雲還入洛潘岳更張
筵井邑嵩丘對園林頰水連東人欲相送旅舍已
悄然

送丁少府赴唐上

因君灞陵別故國一迴看共食田文飯先之梅福
官江風傳日暮山月滿潮聲不得同舟望淹留歲
月闌

送張少府赴夏縣

雖爲州縣職還欲抱琴過樹古聞風早山枯見雪

多鷄聲連絳市馬色傍黃河太守新臨郡還逢五
袴歌

送趙給事姪尉丹陽

太傅憐羣從門人亦賤回入官先愛子賜酒許同
杯淮海春多雨蒹葭夜有雷遙知拜慶後梅尉稱
仙才

送袁稠遊江南

江南衰草遍十里見長亭客去逢搖落鴻飛入杳
冥空城寒雨細深院曉燈青欲去行人起徘徊恨
酒醒

送夏侯審遊蜀

西望煙綿樹愁君上蜀時
同林息商客隔棧見飛
師石滑羊腸險山空杜宇悲
琴心正幽怨莫奏鳳
凰詩

送客赴江陵寄郢州郎士元

露下晚蟬愁詩人舊怨秋
沉湘莫留滯宛洛好遨
遊飲馬逢黃菊離家值白頭
竟陵明月夜爲上座
公樓

送客赴湘江

識君年已老孤棹向瀟湘
素髮臨高鏡清晨入遠

鄉三山分夏口五兩映泔陽更逐巴東客南行涼
幾行

送友人遊江東

江上花開盡南行見杪春鳥聲悲古木雲影入通
津返景斜連草迴潮暗動蘋謝公今在郡應喜得
詩人

送友人南遊

聞說湘川路年年古木多猿啼巫峽雨月照洞庭
波窮海人還去孤城鴈共過青山不可到

一作不
同賞

來往自蹉跎

送友人遊蜀

嘉陵天氣好百里見雙流
帆影綠巴字鍾聲出漢
州綠原春草晚青木暮
猿愁正是風流地遊人
易白頭

送友人入關

聞君帝城去西望一沾巾
落日見秋草暮年逢故
人非才長作客有命懶謀
身近更憂衰疾空思老
漢濱

送張芬歸江東兼寄柳中庸

共是天涯客偏傷木落時
如何故國見更欲異鄉

期鳥暮東西急
陂寒上下遲
空將滿眼淚
千里怨相思

送丘丹歸江東

故山霜落久
才子憶荆扉
旅舍尋人別
秋風逐鴈歸
夢愁楓葉盡
醉惜菊花稀
肯學求名者
經年未拂衣

送元晟歸江東舊居

澤國舟車接
關門雨雪垂
春天行故楚
夜月下清淮
講易居山寺
論詩到郡齋
蔣家人暫別
一路踏連階

送司空文明歸江上舊居

野菊有芳花送君千里還鴻來鷺又去離別惜容顏
流水通歸夢行雲失故關江風正搖落宋玉莫登山

送戴徵士還山

桑桑錦臆雉相送到煙霞獨隱空山裏開門幾樹
花草生楊柳岸鳥囀竹林家不是謀生拙無爲末路嗟

送友人還洛

去國渡關河蟬鳴古樹多平原正超忽行子復嗟

跼去事不可想舊遊難再過何當嵩岳下相見在
煙蘿

送表丈楊皞擢第歸江東

隋堤望楚國江上一歸人綠柳千檣暮青楓萬里
春試才初得桂泊渚肯傷蘋拜手終悽愴恭承中
外親

元丞宅送朝儻及第歸江東覲省

登龍兼折桂歸去當高車舊楚楓猶暗前隋柳已
疎月中逢海客浪裏得鄉書見說江邊住知君不
厭魚

送吉中孚拜官歸

南入華陽洞鑰人古樹寒吟詩開舊訣帶綬上荒
壇因病求歸易露恩更隱難孟宗應獻鮮家近守
漁官

送驍兵曹往陝府結婚

東方發車騎君是上頭人莫鴈逢良日行媒及使
春特稱渡河婦宜配坦牀賓安得同門東揚鞭去
後塵

送潘述宏詞下第歸江外

唱高人不和此去淚難收上國經年住長江滿目

流奕基知勝偶射策請焚舟應是田
玄成詩
爾遊

送衛雄下第歸同州

不才先上第詞客却空還邊地行人少平蕪盡日
開一蟬陂樹裏衆火隴雲間美汝歸茅屋書窓見
遠山

送何兆下第還蜀

重江不可涉孤客莫晨裝高木莎城小殘星棧道
長裊猿楓子落過雨荔枝香勸爾成都住文翁有
學堂

送魏廣下第揚州覲省

遊宦今空返浮淮一鴈秋白雲陰澤國青草遶揚州
調膳過花下張筵到水頭崑山仍有玉歲晏莫淹留

送張淑歸覲叔父

日慘長亭暮天高大澤開風中聞草木雪裏見江山
馬向塞雲去人隨古道還阮家今夜樂應在竹林間

送鄭宥入蜀迎覲

軍親西陟險君去異王陽在世誰非客還家卽是

丁籤十八李端之四

唐音統籤卷

二百五十三

五言律詩三

將之澤潞留別王郎中

弱年知已少前路主人稀
貧病期相借艱難又憶
歸事成應未卜身賤又無機
幸到龍門下須因翼飛

江上別柳中庸

秦人江上見握手便霑衣
近日相知少往年親故
稀遠遊何處去舊業幾時歸
更向巴陵宿堪聞鴈北飛

月
秋
日
旅
舍
別
司
空
文
明

涼風颭窮巷秋思滿同雲吏隱俱不就此心仍別
君素懷宗滄泊羈旅念功勳轉憶西林寺江聲月
下聞

臥病別鄭錫

病來無事喜多臥竹林間此日一相見明朝還掩
關幽人愛芳草志士惜頽頽歲晏不我弃期君在
故山

歸山與友人別

野客本無事此來非有求煩君徵樂餞未免憶山

愁紅燭侵明月青蛾
白頭童心久已盡豈爲
歌留

留別故人

此別不可道此心當語誰
春風灞水上飲馬桃花
時誤作好文士祇應遊
宦遲留書下朝客我有
故
山期

代宗挽歌

祖庭三獻罷嚴衛百靈
朝警蹕移前殿宮車上
渭
橋寒霜凝羽葆野吹咽
笳簫已向新京兆誰云
天
路遙

張左丞挽歌二首

禍集鉤方失災生劍忽飛無由就日拜空憶向天
歸門吏看還葬宮官識賜衣東堂哀贈畢從此故
臣稀

素旆低寒水清笳出曉風鳥來傷賈傅馬立葬滕
公松栢青山上城池白日中一朝今古隔唯有月
明同

奉和王元二相公於中書東廳避暑悽然懷
杜太尉

艱難常共理海晏更相悲況復登堂處分明避暑

時綠槐千穗綻紅藥一番遲
蓮華今何幸先朝大雅詩

青龍寺題故曩上人房

遠公留故院一徑雪中微
童子逢皆老門人問亦稀
翻經徒有處携屐遂無歸
空念尋巢鶴時來傍影飛

韋貞外東齋看花

入花凡幾步此樹獨將留
發艷紅枝合垂煙綠水幽
併開偏覺好未落已成愁
一到芬菲下空貽兩鬢秋

單推官廳前雙桐詠

封植因高興孤貞契素期由來得地早何事結花遲
葉重凝煙後條寒過雨時還同李家樹爭賦角弓詩

宿深上人房聽遠泉

泉聲宜遠聽入夜對支公斷續來方盡潺湲咽又通
何年出石下幾里在山中君問源窮處禪心與此同

山下泉

碧水映丹霞濺濺度

一作露

淺沙暗通山下草流出

洞中花素

一作淨

色和雲落寒聲遶石斜明朝更

去應到阮郎家

五言小律

夜尋司空文明逢深上人因寄晉侍御

鶴裘叩竹杖語笑過林中正是月明夜陶家見遠
公自嫌山客務不與漢官同

病後遊青龍寺

病來形貌穢齋沐入東林境靜聞神遠身羸向道
深芭蕉高自折荷葉大先沉

與苗員外山行

古人留路去今日共君行若待青山盡應逢白髮
生誰知到蘭若流落一書名

東門送客

綠楊新草路白髮故鄉人既壯還應老避梁復潯
秦逢花莫漫折能有幾多春

白鷺詠

迴起來應近高飛去自遙映林同落雪拂水狀翻
潮猶有幽人興相逢到碧霄

題山中別業

舊宅在山中開門與寺通往來黃葉路交結白頭

翁晚筍難成竹秋花不滿叢

以下二首疑缺末二句

五言排律

塞上

一作盧綸詩

二十在邊城軍中得勇名
卷旗收敗馬斷續擁殘兵
覆陣烏鳶起燒山野火明
塞閑思遠獵師老厭分營
雪嶺無人跡冰河足鴈聲
李陵甘沒此惆悵

漢公卿

送從叔赴洪州

榮家兼佐幕叔父似還鄉
王粲名雖重鄒超髯未長
鳴橈過夏口歛筴見潯陽

漢公卿

暮春尋終南柳處士

龐眉一居士，鷲服隱堯時。
種荳初成畝，還丹舊有師。
入溪花逕遠，向嶺鳥行遲。
紫葛垂苔壁，青菰映柳絲。
偶來塵外事，暫與素心期。
終恨遊春客，同爲歲月悲。

雪夜尋太白道士

雪路夜朦朧，尋師杏樹東。
石壇連竹靜，薰火照山紅。
再拜開金籙，焚香使玉童。
蓬瀛三島至，天地一壺通。
別客曾留藥，逢舟或借風。
出遊居鶴上，避禍入羊中。
過洞偏題首，登門未發蒙。
桑田如可見，滄海幾時空。

海幾時空

下第上薛侍郎

蓬華春風起開簾却自悲如何飄梗處又到採蘭
時明鏡方重照微誠寄一辭家貧求祿早身賤報
恩遲幸得皮存矣須勞翼長之銘肌非厚荅肉骨
是前期縱覺新人好寧忘舊主疑終慙太丘道不
爲小生私

長安感事呈盧綸

十五事文翰大兒輕孔融長裾遊邸第嘯傲五侯
中諫獵一朝寢論邊素未工蹉跎潘鬢至蹭蹬阮

逢窮貸布憐寧與無金命未通王陵固似慙郭最
遂非雄歛板辭群彥回車訪老農詠詩懷洛下送
客憶山東沈病魂神濁清齋思慮空羸將衛玠比
冷共鄴侯同草舍纔遮雨荆窓不礙風黎敎通子
守酒是遠師供捫虱欣時泰迎猶達歲豐原門唯
有席并飲但加葱少壯矜齊德高年覺宋尊寓書
先論懶讀易反求蒙昔暮能鳴鴈今憐半死桐秉
心猶似矢搔首忽如蓬赤葉翻藤架黃花蓋菊叢
聊將呈匠伯今已學愚公

和秘書元丞杪秋憶終南舊居

高門有才子能履古人蹤
白社陶元亮青雲阮仲容
田園忽歸去車馬杳難逢
廢巷臨秋水支願向暮峰
行魚避楊柳驚鳴觸芙蓉
石竇紅泉細山橋紫菜重
鳳雛終食竹鶴侶暫巢松
願接煙霞賞羈離計不從

酬前駕部員外郎苗發

馬融方直枕闕簡復持鉛
素業高風繼青春壯思全
論文多在夜宿寺不虛年
自署區中職同荒郭外田
山隣三徑絕野意八行傳
煮玉矜新法留符識舊仙
涵苔巖溜茂搖浪竹橋懸
複洞潛棲鸞跡

楊半騎蟬詠歌雖有和雲錦獨成妍應以馮唐老
相讓示此篇

謝丘拱外甥覽余舊文見寄

丘運本才子始冠卽周旋舅乏郗鑒愛君如衛玠
賢禮將金友等情向玉人偏鄙俗那勞似龍鍾却
要憐投博聊取笑贈綺一何妍野坐臨黃菊溪行
踏綠錢巖高雲反下洞黑水潛穿僻嶺猿偷栗枯
池鴈暖蓮身居霞外寺思發月明田猶恨繁塵網
昏昏過歲

奉贈苗員外

朱戶敞高扉青槐礙落暉八龍承慶重三虎遶朝
歸坐竹人聲絕橫琴鳥語稀花慙潘岳貌年稱老
萊衣葉暗新櫻熟絲長粉蝶飛應憐魯儒賤空與
故山遠

贈岐山姜明府

昨夜聞山雨歸心便似遲幾回驚葉落卽到白頭
時鴈影將魂去蟲聲與淚期馬卿兼病老宋玉對
秋悲謝客纔爲別陶公已見思非關口腹累自是
雪霜姿釀酒裁黃菊炊稷折綠葵山河方入望風
日正宜詩牧堅寒騎馬邊烽晚立旗蘭凋猶有氣

柳脆不成絲別後如相問高僧知所之

晚春過夏侯校書過其沉醉戲贈

欵冠枕如意獨寢落花前姚馥清時醉邊韶白日
眠曝褊還當屋張幕便成天謁客唯題鳳偷兒欲
覘甕失盃猶離席墜屢返登筵本是墻東隱今爲
甕下僊臥龍髯乍磔栖蝶腹何便阮籍供琴韻陶
潛送秫田人逢穀陽豎春似永和年顧我非工飲
期君行見憐嘗知渴恙好亦覺醉胡賢炙熟樽方
竭車回轆且全暎風仍作雨灑地卽成泉自鄙新
豐過遲迴惜十千

長安書事寄盧綸

弱冠家盧岳從師歲月深翻同老夫見殊寡少年
心及此時方晏因之名亦沉超途非要路避事樂
空林素業在山下清泉當樹陰交游有凋喪離別
代追尋向秀初聞笛鍾期久罷琴殘愁猶滿貌餘
淚可沾襟勿以朱顏好而忘白髮侵終期入靈洞
相與鍊黃金

遊終南山因寄蘇奉禮士尊師苗員外

半嶺逢仙駕清晨獨採芝壺中開白日霧裏卷
旗猿鳥知歸路松蘿見會時難聲傳洞遠易語報

家遲童子閑驅石樵夫樂看碁依稀醉後拜恍惚
夢中辭海上終難接人間益自疑風塵甘獨老山
水但相思願得燒丹訣流沙永侍師

得山中道友書寄苗錢二員外

有謀皆戴軻非病亦遲迴壯志年年減馳輝日日
催還山不及伴到闕又無媒高臥成長策微官稱
下才詩人識何謝居士別宗雷跡向塵中隱書從
谷口來藥欄遭鹿踐澗戶被猿開野鶴巢雲竇遊
龜上水苔新歡追易失故思渺難裁自有歸期在
勞君示劫灰

宿薦福寺東池有懷故園因寄元校書

暮雨風吹盡東池一夜涼
伏流迴弱荇明月入垂楊
石竹開開碧薔薇暗吐黃
倚琴看鶴舞搖扇召桐香
舊筍方辭籜新蓮未滿房
林幽花晚發地遠草先長
攬枕愁華鬢凭欄想故鄉
露餘清漢直雲卷白榆行
鷺鵲仍依樹遊魚不過梁
繫舟偏憶戴炊黍願期張
末路還思借前思詎敢忘
從來叔夜懶非是接輿狂
衆病嬰公幹羣憂集孝暉
慙將多誤曲今日獻周郎

送王副使君還并州

并州近胡地此去事風沙鐵馬垂金絡貂裘犯雪
花曾持南郡印多比五侯家繼世新恩厚從軍舊
國餘成煙千里直過鴈一行斜想到青油幕長謀
出左車

送彭將軍雲中觀兄

聞說蒼鷹守今朝欲下韉因令白馬將兼道覓封
侯略地關山冷防河雨雪稠翻弓騁猿臂承箭惜
貂裘設伏軍謀密坑降塞邑愁報恩唯有死莫使
漢家羞

送歸中丞使新羅

一作李益詩

東望扶桑日何年是到時片帆通雨露積水隔華
夷浩淼風來遠虛鳴鳥去遲長波靜雲月孤島宿
旌旗別葉傳秋意迴潮動客思滄溟迷舊路何處
問前期

哭張南史因寄南史姪叔宗

爭路忽摧車沉鈎未得魚結交唯我少喪舊自君
初諫草文難似圍碁智不如仲宣新有賦叔夜近
無書地閉滕公宅山荒謝客廬穢良從此恨福善
竟成虛釀酒多同醉烹雞或取餘阮咸雖永別豈
共仲容跡

丁籤十八李端之五

唐音統籤卷

十四

七言律詩

野寺病居喜盧綸見訪

青青麥隴白雲陰
古寺無人新草深
乳鷺拾泥依古井
鳴鳩拂羽歷花林
千年駁薛明山屨
百尺垂蘿入水心
一臥漳濱今欲老
誰知才子忽相尋

宿淮浦憶司空文明

愁心一倍長離憂
夜思千重戀舊遊
秦地故人成遠夢
楚天涼雨在孤舟
諸溪近海潮皆應
獨樹邊淮葉盡流
別恨轉一作最深何處寫前程
唯有一聲

樓

江上逢柳中庸

舊住衡山曾夜歸見君江客憶荆扉
星沉嶺上人
行早月過湖西鶴唳稀
弱竹萬株頻礙憤新泉數
步一褰衣
今來唯有禪心在鄉路翻成向翠微

題元注林園

謝家門館似山林
碧石青苔滿樹陰
乳鵲貯巢花
巷靜鳴鳩鼓翼竹園深
枯棹轉水兼通藥方丈留
僧共聽琴
獨有野人箕踞慣過君始得一長吟

題故將軍莊

曾將數騎過桑乾，遙對單于飲馬鞍。
塞北征兒請用劒，關西宿將許登壇。
田園蕪沒歸耕晚，弓箭閒離出獵難。
唯有老身如刻畫，猶期聖主解衣看。

夜投豐德寺謁海上人

一作盧綸詩

半夜中峯有磬聲，偶尋樵者問山名。
上方月曉聞僧語，下界林疎見客行。
野鶴巢邊松最老，毒龍潛處水偏清。
願得遠公知姓字，焚香洗鉢過餘生。

題雲際寺海上人房

高僧居處似天台，錫杖銅瓶對綠苔。
竹巷雨晴春鳥轉，山房日午老人來。
園中鹿過敝枝動，潭底龍

游水沫關獨夜焚香禮遺像空林月出始應迴

題覺公新蘭若

頭白禪師何處還獨開蘭若樹林間鬼因巫祝傳
移社神見夫人請施山猛虎聽經金磬動獼猴獻
靈雪窓閑新齋結善如相許願與雷宗永閉關

和李舍人直中書對月見寄

名卿步月正淹留上客裁詩怨別遊素魄近成班
女扇清光遠似使公樓嬋娟更稱憑高望皎潔能
傳自古愁盈手入懷皆不見陽春曲灑轉誰酬

贈郭駙馬二首

郭令公子駙昇平公主令於
康上成 舊唐書曰昇平公

主賓明有才思大賢中端等十才子遊
門下每宴集賦詩公主坐視簾中詩之美
者賞百練端先獻警句魚香荀令云云主
郎以百練賞之錢起以爲宿構請以起姓
爲韻復云云云賸曰此
愈工矣起等始服

青春都尉最風流二十功成便拜侯
金距鬪雞過上苑玉鞭騎馬出長楸
熏香荀令偏憐小傅粉何郎不解愁
日暮吹簫楊柳陌路人遙指鳳凰樓
方塘似鏡草芊芊初月如鉤未上絃
新開金埒看調馬舊賜銅山許鑄錢
楊柳入樓吹玉笛芙蓉出水妬花鈿
今朝都尉如相顧願脫長裾逐少年

閑園卽事贈考功王員外

南陌晴雲稍變霞東風動柳水紋斜園林帶雪潛
生草桃李迎春未有花幸接上賓登鄭驛羞爲長
女似黃家今朝一望還成幕欲別芳菲戀歲華

憶故山贈司空文明

漢主金門正召才馬卿多病自遲迴舊山慙別老
將至芳草欲闌歸去來雲在高天風會起年如流
水日長催知君素有棲禪意歲晏蓬門遲一作爾

開

戲贈韓判官紳卿

少尋道士居嵩嶺晚事高僧住沃洲齒髮未知何

處老身名且被外人愁欲隨山水居茅洞已有田園在虎丘獨怪子猷緣掌馬雪時不肯更乘舟

贈道士

姓字不書高士傳形神自得逸人風已傳花洞將秦接更指茅山與蜀通懶說歲年齊絳老耳爲鄉曲號涪翁終朝賣卜無人識弊服徒行入市中

贈道者

空中忽有鶴飛聲方士因知道欲成來取圖書安枕裏便驅雞犬向山行花開深洞仙門小路過懸橋羽節輕還客自傷身易老不知何處待先生

代并歸荅賈客

一作妾薄命

玉壘城邊爭走馬，銅堤市裏共乘舟。
鳴環動珮恩能一作無盡，掩袖低巾淚不流。
疇昔將歌邀客醉，如今欲舞對君羞。
慙懷賤妾平生好，獨上襄陽舊酒樓。

山中寄苗員外

鳥鳴花發空山裏，衡岳幽人藉草時。
旣近淺流安筆硯，還因平石布著龜。
千尋楚水橫琴望，萬里秦城帶酒思。
聞說潘安方寓直，與君相見漸難期。
臥病聞吉中孚拜官寄元祕書昆季

漁家探使不求聲自慰文章道欲行毛遂登門雖
異賞韓非入傳濫齊名雲歸暫愛青山出客去還
愁白髮生年少奉親皆願達敢將心事向玄成

寄廬山真上人

高僧無跡本難尋更得禪行去轉深青草湖中看
五老白雲山上宿雙林月明潭色澄空性夜靜猿
聲證道心更說謝公南座好煙蘿到地幾重陰

送周長史

青楓樹裏宣城郡獨佐諸侯上板橋江客亦能傳
好信山僧多解說南朝雲陰出浦看帆小草色連

天見鴈遙別有空園落桃杏知將絲組繫蘭橈

送濮陽錄事赴忠州

成名莫歎雙旌遠主印還爲一郡雄赤葉黃花隨
野岸青山白水映江楓巴人夜語孤舟裏越鳥春
啼衆壑中聞說古書多未校肯令才子久西東

送皎然上人歸山

適來世上豈緣名適去人間豈爲情古寺山中幾
日到高松月下一僧行雲陰鳥道苔方合雪映龍
潭水更清法主欲歸須有說門人流淚厭浮生

送馬尊師

一作送侯道士

南入商山松路深
石林溪水畫陰陰
雲中採藥隨青節
洞裏耕田映綠林
直上煙霞深舉手
迴經丘壑自傷心
武陵花木應長在
願與漁人更一尋

五言絕句

妾薄命

自從君弃妾
憔悴不羞人
惟餘壞粉淚
未免映衫勻

拜新月

開簾見新月
即便下階拜
細語人不聞
北風吹裙帶

感興

香爐最高頂中有高人住日暮下山來月明上山去

雜詩

主第辭高飲石象赴宵會金谷走車來玉人騎馬待

幽居作

山舍千年樹江亭萬里雲迴潮迎伍相聚雨送湘君

溪行逢雨與柳中庸

日落衆山昏蕭蕭暮雨繁那堪兩處宿共聽一聲
猿

晦日同苗員外遊曲江

晦日同携手臨流一望春可憐楊柳陌愁殺故鄉
人

贈胡居士

孔融過五十海內故人稀相府恩猶在知君未拂
衣

客行贈馮著

旅行雖別路日暮各思歸欲下今朝淚知君亦濕

唐書
卷一百一十五
列傳第五十五
文苑一
十一
衣

贈何兆

文章似揚馬風骨又清靡江漢君猶在英靈信未衰

贈山中老人

白首獨一身青山爲四隣雖行故鄉陌不見故鄉人

薦福寺送元偉

送客攀花後尋僧坐竹時明朝莫迴望青草馬行遲

送郭良輔下第東歸

獻策未得意，馳車東出秦。暮年千里客，落日萬家春。

送陳上人遊春

獨將支遁去，欲往戴顓家。晴野人臨水，春山樹發花。

過故友墓

舊友無由見，孤墳草欲長。月斜鄰笛盡，車馬出山陽。

題雲際寺陳上人故院

白髮怱怱色青山草草心遠公仍下世從此別東林

同司空文明過堅上人故院

我與雷居士平生事遠公無人知是舊共到影堂中

聽箏

鳴箏金粟柱素手玉房前欲得周郎顧時時誤拂絃

觀隣老栽松

雖過老人宅不解老人心何事殘陽裏栽松欲待

陰

和張尹憶東籬菊

傳書報劉尹何事憶陶家若爲籬邊菊山中有此
花

七言絕句

長門怨

金壺漏盡禁門開飛鷺昭陽待寢迴隨分獨眠秋
殿裏遙聞語笑自天來

昭君詞

李陵初送子卿迴漢月明時惆悵來憶著長安舊

遊處千門萬戶主樓臺

閨情頻騎馬

月落星稀天欲明孤燈未滅夢難成披衣更向門
前望不忿朝來鵲喜聲

問張山人疾

先生沉病意何如蓬艾門前客轉疎不見領徒過
絳帳唯聞與婢削丹書

荅司空文明懷野寺舊居

自嫌野性共人疎憶向西林更結廬寄謝山陰許
都講昨來頻得遠公書

春晚遊霍林寺寄使府諸公

野寺尋春花已遲，背巖惟有兩三枝。
明朝攜酒猶堪醉，爲報春風且莫吹。

聽夜雨寄盧綸

暮雨蕭條過鳳城，霏霏颼颼重還輕。
聞君此夜東林宿，聽得荷池幾箇聲。

送劉侍郎

幾人同入謝宣城，未及酬恩隔死生。
唯有夜猿知客恨，嶂陽溪路第三聲。

重送鄭君歸蜀因寄何兆

黃花西上路何如青壁連天鴈亦疎爲報長卿休
滌器漢家思見茂陵書

江上送客

故人南去漢江陰秋雨蕭蕭夢澤深江上見人應
下淚由來遠客易傷心

與道者別

聞說滄溟今已淺何當白鶴更歸來舊師唯有先
生在忍見門人掩淚迴

宿石澗店聞婦人哭

山店門前一婦人哀哀夜哭向秋雲自說夫因征

戰死朝來逢著舊將軍

丁籤十九

唐音統籤卷二十五

司空曙字文明

史云字文明初

廣平人能詩爲大曆十才

子之一登進士第從韋皋於劍南貞元中爲水部

郎中終虞部詩三卷

唐志二卷宋志一卷

今編爲四卷

徐獻忠口

文明詩氣候清華感賞至到誦之口吻調利情意觸發可謂風人之度矣

五言古詩

關山月

蒼茫明月上夜久光如積野幕冷胡霜關樓宿邊
客隴頭秋露暗磧外寒沙白唯有故鄉人霜寒此

聞笛

分流水

古時愁別淚滴作分流水日夜東西流分派幾千里
通塞兩不見波瀾各自起與君相背飛去去心
如此

早春遊望

東風春未足試望秦城曲青草狀寒蕪黃花似秋
菊壯將歡共去老與悲相逐獨作遊社人暮過威
輦宿

送程秀才

悠悠多路岐相見又別離東風催節換談談春陽

散楚草漸烟綿江雲亦蕪漫送子恨何窮故關如
夢中遊人盡還北旅鴈辭南國楓樹幾回青逐臣
歸不得

七言古詩

迎神

吉日兮臨水沐青蘭兮白芷假山鬼兮請東皇託
靈均兮邀帝子吹參差兮正苦舞婆娑兮未已鸞
旌圓蓋望欲來山雨霏霏江浪起神旣降兮我獨
知目成再拜爲陳詞

送神

神之去迺風嫋嫋雲容與桂樽瑤席不復陳蒼山
綠水暮愁人

擬百勞歌

朱絲紐絃金點雜雙蒂芙蓉共開合誰家稚女着
羅裳紅粉青眉嬌暮粧木樨作牀牙作席雲母屏
風光照壁玉顏年幾新上頭迴身歛笑多自羞紅
銷月落不復見可惜當時誰拂面

殘鶯百轉歌同王員外耿拾遺吉中孚李端
遊慈恩各賦一物

殘鶯一何怨百轉相尋續始辨下將高稍分長復

促綿蠻巧狀語機節終如曲野客賞應遲幽僧聞
詎足禪齋深樹夏陰清零落空餘三兩聲金谷華
中傳不似山陽笛裏寫難成憶昨亂啼無遠近晴
窗曉色偏相引送暖初隨柳色來辭芳暗逐花枝
盡歌殘鶯歌殘鶯悠然萬感生謝眺羈懷方一聽
何郎閑吟本多情乃知衆鳥非儔比暮噪晨鳴倦
人耳共愛奇音那可親年年出谷待新春此時斷
絕爲君惜明日玄蟬催髮白

杜鵑行

作杜甫
詩者誤

古時杜宇稱望帝魂作杜鵑何微細跳枝竄葉樹

木中搶翬臂換雌隨雄毛衣慘黑自鎖額衆鳥安
肯相尊崇隳形不敢栖華屋短翮唯願巢深叢穿
皮啄朽觜欲禿苦飢始得食一蟲誰言養雛不自
哺此語亦足爲愚蒙聲音咽噓若有謂號啼略與
嬰兒同口乾垂血轉迫促似欲上訴於蒼穹蜀人
聞之皆起立至今相効傳遺風乃知變化不可窮
豈知昔日居深宮嬪妃左右如花紅

長林令衛象陽絲結歌

一作李嶠詩誤
象大曆間人也

主人調盤盤素絲寒女眷眷墨子悲乃言一作
答乃假
使錫爲之八珍重脊尖顏色手援玉筯不敢持始

狀芙蓉新出水仰坼重衣傾萬葉又如合歡交亂
枝紅茸向暮花參差吳蠶絡繹抽尚絕細縷纖毫
看欲滅雪髮羞垂倭墮鬟繡囊畏並茱萸結我愛
此絲巧妙絕世間無爲君作歌陳座隅

五言律詩一

公子行

繡臂繡綸巾貂裘窄稱身射禽風助箭驟馬雪飛
塵金埒爭開道香車爲駐輪翩翩不知處應是霍
家親

塞上曲

塞柳接胡桑軍門向大荒幕營隨日魄兵氣長星
芒橫吹催春酒重裘隔夜霜冰開不防虜青草滿
遼陽

早春遊慈恩南池

山寺臨池水春愁望遠生
踏橋逢鶴起尋竹值泉
橫新柳絲猶短輕蘋葉未成
還如虎溪上日暮伴
僧行

九日洛東亭

風息斜陽盡游人曲落間
採花因覆酒行草轉看
山柳散新霜下天晴早鴈還
傷秋非騎省玄髮白

成斑

登秦嶺

見御覽詩

南登秦嶺頭
迴首始堪憂
漢關青門遠
商山藍水流
三湘遷客去
九陌故人遊
從此思鄉淚
雙垂不復收

望商山路

南見青山道
依然去國時
已甘長避地
誰料有還期
雨霽殘陽薄
人愁獨望遲
空殘華髮在
前事不堪思

下武昌江行

悠悠次楚鄉楚口下潯陽雪隱州渚暗沙高蘆荻
黃漁人共留滯水鳥自喧翔懷土年空盡春風又
森茫

雨夜見投之作

出戶繁星盡池塘暗不開動寒涼氣度庭樹遠聲
來燈外初行電城隅忽隱雷因知謝文學曉望比
塵埃

喜外弟盧綸訪宿

靜夜四無隣荒居舊業貧雨中黃葉樹燈下白頭
人以我獨沉久親君相訪頻平生有深集作自有分况

是蔡家親

同苗員外宿薦福常師房

浮生共多故聚宿喜君同人息時聞磬燈搖乍有
風霜塔疑水際夜木似山中一願持一作如意長投
來事遠公

遇谷口道士

一見林中客閑知州縣勞白雲秋色遠蒼嶺夕陽
尚自說名因石誰逢手種桃丹經僅相授何用戀

青袍

過錢員外

爲郎頭已白，跡向市朝稀。
移病居荒宅，安貧著敗衣。
野園隨客醉，雪寺伴僧歸。
自說東峰下，松蘿滿故扉。

過慶寶寺

黃葉前朝寺，無僧寒殿開。
池晴龜出曝，松暝鶴飛迴。
古砌碑橫草，陰廊畫雜苔。
禪宮亦銷歇，塵世轉堪哀。

閑園書事招暢當

聞蟬晝眠後，欹枕對蓬蒿。
羸病懶尋戴，田園方詠陶。
傍簷蟲挂靜，出樹蝶飛高。
惆悵臨清鏡，思君見

新毛

溧上人見訪憶李端

鳴鶴秋色盡落日對寒山
避事多稱疾留僧獨閉關
關心歸塵俗外道勝有無間
仍憶東林友相期久不還

題鮮于映林園

雨後園林好幽行適

一作向

野通遠山芳草外流水

落花中客醉悠悠慣鶯啼處處同夕陽

集作自

望日暮杜陵東

題江陵瀟沙驛樓

江天清更愁風柳入江樓鴈惜楚山晚蟬知秦樹
秋淒涼多獨醉零落半同游豈獲平生意蒼然蘭
杜洲

和盧樓書文若早入使院書事

解帶獨徘徊秋風如水來軒墀濕繁露琴几拂輕
埃晨鳥猶在葉夕蟲餘鳴苔蒼然發高興相仰坐
難陪

和張大夫酬高山人

野客居鈴閣重門將校稀牙冠親轂弁龜印識荷
衣年久寒飈爽談餘暮角微蒼生須太傅山在豈

容歸

訓鄭十四望驛不得同宿見贈因寄張參軍
逢君喜成淚暫似故鄉中謫宦猶多懼清宵不得
終月烟高有鶴霜草淨無蟲明日郊超會應思下
客同

秋思呈尹植表說鄆州

靜向懶相偶年將衰共催前途懽不集
往事恨空來
晝景委紅葉月華銷
綠苔
沉思竟何有坐
結玉琴哀

贈庾侍御

年少身無累相逢憶此時雪過雲寺宿酒向竹園
期白髮今摧老清琴但起悲唯應逐宗炳內學願
爲師

贈李端

共憶南浮

一作樓

日登高望若何楚田湖草遠江寺

海榴多載酒尋山宿思人帶雪過東西幾回別此
會各蹉跎

晚秋西省寄上李韓二舍人

畫漏傳清唱天

■

禁旅秋鴈親承露掌砧隔曝衣

樓賜膳中人送餘香侍女收仍聞勞上直晚步鳳

池頭

江園書事寄盧綸

種柳南江邊閉門三四年俗人那勝竹凡鳥不如
蟬嗜酒漸嬰思一作渴讀書多欲眠平生故交在白
首遠相憐

閑居寄苗發

漸向浮生老前期竟若何獨身居處靜永夜坐時
多厭逐青林客休吟白雪歌支公有遺寺重與
安過

暮春野望寄錢起

一作耿
漳詩

草長花落樹羸病強尋春無復少年意空餘華髮
新青原高見水白社靜逢人寄謝南宮客軒車不
可親

獨遊寄衛長林

草綠春陽動遲遲澤畔遊戀花同野蝶愛水劇江
鷗身外唯須醉人閒盡一作半是愁那知鳴玉者不
羨賣瓜侯

秋夜憶興善院寄苗發

右軍多住寺此夜後池秋白與山僧伴無因洛客
愁卷簾霜霽滿日水悠悠若有詩相贈期君憶

惠休

龍池寺望月寄韋使君閣別駕

清光此夜中萬古望應同
當野山沉霧低城樹有
風花宮紛共邃水府皓相空
遙想高樓上唯君對

望一作庾公

病中寄鄭十六兄

集

倦枕欲徐行開簾秋月明
手便筇杖冷頭喜葛巾
輕綠草前侵水黃花半上城
虛消此塵景不見十年兄

寄天台秀師

天台瀑布寺傳有白頭師幻跡示羸病空門無住
持雪晴看鶴去海夜與龍期永願親旌屢呈功一作
心得問疑

寄準上人

昨聞歸舊寺暫別欲經年樵客應同出隣僧定伴
禪後峰秋有雪遠澗夜鳴泉偶與支公論人間自
共傳

雲陽館與韓紳宿別

故人江海別幾度隔山川乍見翻疑夢相悲各問
年孤燈寒照雨濕竹暗浮烟更有明朝恨離盃惜

共傳

唐音統載

卷一
五十五

上

卷終

丁